



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1729. usque ad annum 1731

Fleury, Claude

August. Vind. [u.a.], 1785

VD18 13322648

§. 4. Benedicti XIII. Pontificis Constitutiones.

[urn:nbn:de:hbz:466:1-67677](https://nbn-resolving.org/urn:nbn:de:hbz:466:1-67677)

Sæc. XVIII. Hildeshemium migrare jussit, Matrem
A. C. 1728. vero suam ex Anglia, quo secesserat,
 revocavit.

§. III.

*Benedicti XIII. Pontificis Consti-
tutiones.*

Inter varia, seaque saluberrima, quæ
 Benedictus XIII. Papa condidit, sta-
 tuta, singulari decreto ipsum etiam Ca-
 meræ Apostolicæ Tribunal a quibus-
 dam corruptelis expurgavit, atque ut
 in ceteris Romanæ Urbis Curiis exactius
 justitia administraretur, statuit, ut
 mulctæ pecuniariæ piis locis, captivis
 & pauperibus applicentur, & publicæ
 tabulæ, instrumenta, aliæque ad rem
 alienam pertinentes scripturæ in Codi-
 ces & protocolla plene redigantur, in-
 que Urbis Archivo reponantur. In-
 super die decima quarta Junii declara-
 vit, quod Jesuitis post vota simplicia
 ante solemnem Professionem a Generali
 dimissis nulla a societate alimenta aut
 congrua debeat sustentatio, licet dum
 in ea vivebant, titulo religiosæ pauper-
 tatis ad sacros etiam Presbyteratus
 Ordines promoti fuissent. Enimvero
 Clemens XI. Monarchiam seu legatio-
 nem Siculam, ejusque Tribunal edita
 Constitutione suppresserat, Carolus ta-
 men

men sextus Imperator hanc causam denuo innovavit, datisque ad Papam literis exposuit, quod jura Apostolicæ legationis in Sicilia Regno ultra Pharam sibi, ejusque hæredibus legitimis ex indulto Urbani II. competere, eo quod ea jam olim Comiti Rogerio ejusque Successoribus ob eliminatam Saracenorum tyrannidem, Catholicam fidem restitutam, necnon ob Ecclesias Romanæ Sedi denuo subjectas concessa fuerint, & usque ad Caroli II. obitum per sex omnino sæcula in suo robore atque usu remanserint. Hanc quidem rationem Pontifex æque ac olim Clemens XI. ob abusus irrepentes minus validam esse agnovit, quia tamen graves inde exortæ fuerunt contentiones non sine animarum perniciæ, & publicæ tranquillitatis detrimento; hinc ejusmodi litibus finem impositurus, die trigesima Augusti Constitutionem edidit, in qua controversias circa ordinem cognoscendi causas Ecclesiasticas & circa appellationes &c. composuit. Hanc concordie Bullam Carolus VI. Imperator per pragmaticam legem exacte observari præcepit die prima Februarii Anno 1729.

Alia postmodum Constitutione idem Pontifex Collegiatam Ecclesiam S. Venantii in Cathedralem & Fabrianum

Sæc. XVIII.
A. C. 1728.

Sæc. XVIII.

A. C. 1728.

Piceni oppidum necnon Roncilionem in Civitates die decima quinta Novembris & 28. Maij erexit. Die autem sexta Aprilis Monialibus velum sacrum, benedictionem & consecrationem recipientibus Indulgentias plenarias concessit. Eodem quoque anno die secunda Januarii, cum Italia atque adjacentes Insulæ horrendis terræ motibus, atque aquarum inundationibus, indeque exortis agrorum vastitatibus plurimum affligerentur, hinc Pontifex, ut Deum placaret, Jubilæum indixit. Eiusdem vero Mensis die vigesima octava Fratribus Discalceatis Redemptionis Captivorum præcepit, ut cantum Gregorianum, sed duntaxat in choro adhiberent: Pariter Canonicis Regularibus Præmonstratensibus die 7. Martii & 12. Aprilis confirmavit S. Congregationis Rituum decretum, vi cuius die vigesima secunda Januarii data est facultas, ut SS. Godefridi, Gilberti, Friderici, Hermani Josephi, Isfridi, Evemondi, Ludolphi, Garlaci, Siandi, & B. Gertrudis festa ac officia impostero recitare valeant. Præterea Pontifex die vigesima quinta Junii duos libellos a Patre Courayero editos tam legi quam retineri prohibuit, eoquod propositiones *falsas, temerarias, seditiosas, scandalosas, piarum aurium offensivas,* *sacra*

sacrae Sedis & Conciliorum auctoritati injuriosas, & contumeliosas, schismaticas, erroneas, S. Ordinationum, aliorumque Sacramentorum everivas & hæreticas continerent: Horum autem librorum titulus erat: Dissertatio de valore Ordinationum Anglicarum, & de successione Episcoporum Anglicanae Ecclesiae. — Defensio hujus Dissertationis &c. Die autem trigesima Augusti Benedictus XIII. Papa Tertiarios Ordinis Carmelitarum jurisdictioni ac Regimini Magistri sui Generalis subjecit, Monialibus autem S. Radegundis Mediolan: die decima nona Septembris inhibuit, ne Musicos concentus figuratos in usu habeant.

Jam Anno 1726. Poloniae Proceres in Grodnensibus Regni comitiis Mense Octobri adversus Vincentium Trapezuntinum Archi - Præfulem, Apostolicum Nuntium & Nuntiaturæ Tribunal quamdam Constitutionem promulgaverant, ac postea die nona Novembris Comitum Tarlo Lublinsensem Præfectum Romam decreverant, ut gravamina aboleri, & Nuntium e Polonia Romam revocari peteret: Insuper die vigesima sexta ejusdem Mensis novos quinque articulos ediderant, quorum I. inter alia sub carceris, aliisque poenis inhibitum erat omnibus Causfidicis, ne coram eodem Nuntio, ejusque Tribunali

Sæc. XVIII. aliqua gratiæ vel justitiæ remedia ob-
 A. C. 1728. tinere præsumerent, II. prohibitum,
 ne Parochi vel Monasteriorum Superiores censuras Ecclesiasticas a præfata Nuntiatura emanatas in suis Ecclesiis, sub pœna proscriptionis bonorum promulgare auderent, & denique III. in Domibus Nuntiaturæ vicinis milites distribuebant, qui Caussidicos aliosque quoscunque ad dictam Nuntiaturam recurrentes inde arcere jubebantur, hinc Pontifex Ecclesiasticam & Pontificiam potestatem contemniratus, ipsum Regem, omnesque regni Archiepiscopos, Episcopos & Proceres rogabat, ut hæc edicta rescindi curarent, cumque Pontifex nullam harum precum rationem haberi cerneret, Camillum Iconiensem Archiepiscopum tanquam extraordinarium Sedis Apostolicæ Nuntium ad Augustum Poloniæ Regem ablegavit, eique injunxit, ut cum omni animi contentione hæc edicta abrogari studeret: incassum tamen erant omnia, quapropter Benedictus Papa die vigesima quinta Septembris tam Procerum Constitutionem, quam quinque hosce articulos, esse omnino irritos, eos vero, qui præfatis omnibus operam præstissent, censuras a S. Canonibus infligtas incurrisse declaravit. Denique die
 decima

decima sexta Decembris statuit, ad officia & dignitates esse inhabiles Religiosos Ord. S. Basilii, qui Archiepiscopatus, Episcopatus, aliasque dignitates sibi procuraturi essent.

Sæc. XVIII.
A. C. 1728.

§. IV.

*Diversa S. Congregationum
decreta.*

Præter plura alia, quæ a S. Congregationibus Romanis emanarunt, decreta, S. Rituum Congregatio die vigesima octava Januarii annuente summo Pontifice concessit, ut Officium S. Rosæ Viterbiensis die 4. Sept. ab omnibus, qui ad Horas Canonicas tenentur, in toto statu Ecclesiastico & in Etruria, & Officium S. Mariæ Magdalænæ de Pazzis Carmelitanæ Virginis in tota Italia atque Insulis adjacentibus sub ritu duplici minori recitari possit: Pariter die decima septima Martii indulgit, ut Missa propria de transverberatione Cordis S. Theresiæ die vigesima septima Augusti ab omnibus Carmelitis Excalceatis tam Hispanæ quam Italæ Congregationis sub ritu duplici secundæ classis, & officium SS. Joannis & Pauli die 26. Junii pariter sub ritu duplici ab omnibus recitari possit. Idem quoque pro Venetis concessum

B 4

est